

3FA

4

AKYEREW HO MBRA



KASA HO MBRA

Mfantse kasa mu akyerew ho mbra

NYIENYIM

Dem ofa yi hwe mbra a yedze kyerew Mfantse kasa. Yebohwe mbra a yedze kyerew dzin, nyee, dzinhyeaneanmu na dzin-tamsi. Yebohwe no ndzidzido ndzidzido de mbre owɔ ha yi: dzin, dzinhyeaneanmu, dzin-tamsi, nyee-tamsi na nyee. Iyi bema enya nyimdzee wɔ iyinom nyina hɔn akyerew ho. Dem mbra yi ara so bi wɔ Borɔfo kasa mu.

Adzesua no bɔkɔ ewiei no, nna osuanyi no;

1. Gyina dzin na dzinhyeaneanmu akyerew ho mbra do, kyerew nsentɔw.
2. Gyina dzin tamsi akyerew ho mbra do, kyerew nsentɔw.
3. Gyina nyee na nyee-tamsi ho mbra do, kyerew nsentɔw.

Adwentsitsir

- Dzin dzi dwuma de ɔyefo, ɔyetsia, ɔgyefo, dzin-tamsi na asemfua-tsir.
- Dzinhyeaneanmu dzi dwuma de ɔyefo na ɔyetsia wɔ nsentɔw mu.
- Dzin-tamsi kyerekyere dzin mu. Wɔtaa dzi dzin a wosi no tam no ekyir wɔ Mfantse kasa mu.
- Nyee kyere dwumadzi anaa tsebea bi. Yennkyerew nyee na dzin mmbɔ mu de kasafua kor naaso se ɔye ɔyefo dzinhyeaneanmu na nyee dze a, yekyerew bɔ mu.
- Nyee-tamsi kyerekyere nyee mu na otum so kyerekyere nyee-tamsi fofor so mu.

ADZESUA NO MU NSEM

Dzin

Yeedzi kan aka dzin ho asem dada. Yɛmaa edzin ho mfatoho bi na yɛhwɛɛ dzin nkyekyɛmu ahorow so.

Asembisa: Ekaa dzin nkyekyɛmu ahorow no? Kyerɛw nkyekyɛmu no. Dzin yɛ ahyɛnsɛwdzɛ a yɛdze ma nyimpa, mbea, mbowa na ndzɛmba ahorow. Asɛntɔw taa nya dzin wɔ mu.

Dzin tum fa oyikyɛrɛ bi tse dɛ **bi, no, yi, yinom, binom.**

Dzinhyɛananmu

Dzinhyɛananmu yɛ kasafua a yɛdze gyina hɔ ma dzin. Mfatoho bi nye me, wo, no, ɔ, hɛn, hɔn, hom na mi. Wotum dzi dwuma dɛ dzin asɛmfua. Hyɛ no nsew dɛ Ghana kasahorow no bi nnyi dzinhyɛananmu a ogyina hɔ ma banyin na bi so gyina hɔ ma basia. Aso ɔtse dɛm wɔ Mfantse kasa mu a? Enye wo nyenko ndzi iyi ho nkɔmbɔ.

Dwumadzi

Hwɛ sen a ɔka do yi na enye wo nyenko ndzi dzin no dwumadzi a ɔwɔ mu no ho nkɔmbɔ.

[function of nouns YouTube video - \(https://www.youtube.com/watch?v=rURutv7N_ns\)](https://www.youtube.com/watch?v=rURutv7N_ns)

Afei fa dzin no dwumadzi a ihun no wɔ sen no mu no toto dza ɔwɔ ase ha yi ho.

Dzin no dwumadzi

1. Mbra a wɔdze kyerɛw nsɛntɔw a dzin wɔ mu nnye per wɔ Ghana kasahorow no nyinara mu. Mbom dzin taa dzi dwuma a ɔka do yi wɔ nsɛntɔw mu.
 - a. **Ɔyɛfo:**
Yɛtaa hu dzin wɔ asɛntɔw ne fa, mbrɛ ɔyɛfo hyɛ no. Dzin taa yɛ kasafua a odzi kan wɔ asɛntɔw mu wɔ **kasa pii mu**. Tsitsir nara nye kasa a wodzi nhyehyɛɛ ɔyɛfo, nyɛɛ na ɔyɛtsia (ƆNƆ) do no.

Mfatoho:

- i. **Adadzewa** tɔn muoko.
- ii. **Kofi Ata** nyim eburow kwa no wura.
- iii. **Boafo** nye Nyame

Nsentɔw yinom mu no, dzin kasafua **Adadzewa**, **Kofi Ata** na **Boafo** nyina hye bea a yehu ɔyefo wɔ asentɔw mu.

b. Ɔyetsia (Ɔyetsia pɔtsee na Ɔgyefo)

Dzin tum so dzi dwuma de ɔyetsia wɔ nsentɔw mu. Iyi tum ye ɔyetsia pɔtsee anaa ɔgyefo.

Mfatoho:

1. Motɔɔ **buukuu** maa Amba. (ɔyetsia pɔtsee)
 2. Papa Ata dze akyerɛwdua maa **Ebo**. (ɔgyefo)
 3. Aberwa no dzii **asɛm no** maa okunafo no. (ɔyetsia pɔtsee)
 4. Ɔbɔɔ bɔɔl bɔɔ **ban** no. (ɔgyefo)
- c.** Dzin san so dzi dwuma de dzin-tamsi. Yehu iyi wɔ ber a edzin ebien toa do pɛɛ a kasafua biara nnhye ntamu. Ɔba no dem a, dzin a odzi kan no kyerekyere dza ɔtɔ do ebien no mu. Tserɛ, osi no tam.

Mfatoho:

1. **Amosema** dɔkon sɔ twann.
 2. Mepɛ **Gomoa** bankye.
 3. **Skuul** mbofra pɛ mbirikatu.
- c.** Dzin asemfua-tsir
Dzin dzi dwuma fofor so de dzin asemfua ne tsir.

Mfatoho:

1. **Papa** tsentsen no ye mo wɔfa.
2. **Adzetɔmfo** no aba fie.
3. Mbofra no we **mango** bun.

Hye no nsew bio de, mbra a wogyina do dze dzinhyeananmu ye nsentɔw nnye per wɔ Ghana kasahorow no mu. Mpen pii no, dzinhyeananmu dzi dwuma de;

a. Nsentow mu oyefo.

Mfatoho:

1. |Ɔton atam wo guamu.
2. Odzidzi ntsem.
3. Yenyim no.
4. Wommpɛ honho asem.

Hye no nsew de Mfantse kasa mu no, yekyerew oyefo dzinhyeaganmu no na nyee a odzi n'enyim no bo mu ma oye kasafua kor, gyede oyefo dzinhyeaganmu **Hom** nko tse de

1. **Hom** ko skuul .
2. **Hom** guar ntsem ba skuul.

b. Oyetsia (Oyetsia potsee na Ogyefo)

Dzinhyeaganmu tum so dzi dwuma de oyetsia wo nsentow mu. Iyi tum ye oyetsia potsee anaa ogyefo.

Mfatoho:

1. Mekyeer **no** maa Araba. (oyetsia potsee)
2. Papa Ata maa **me** sika. (ogyefo)
3. Obrɛɛ **hen** edziban. (ogyefo)

Dwumadzi

1. Ebenadze nye dzin? Ma mfatoho du na fa to gua ma obiara nhu.
2. Enye wo nyenko nkyerew dzin no dwumadzi ebien. Beenu biara mfa hon mbuae no nka afofor beenu dze ho na hom ndzi ho nkombo.
3. Ebenadze nye dzinhyeaganmu? Ma mfatoho du na fa to gua ma obiara nhu.
 - a. Kenkan asem a oka do yi na hwehwe edzin na dzinhyeaganmu a owo mu.
 - b. Fa dzin a inyae no mu ebiasa ye asentow mboho. Ye krado de edze wo mbuae boto gua.
 - c. Fa dzinhyeaganmu a inyae no mu ebiasa ye asentow mboho. Ye krado de edze wo mbuae boto gua.

Mbòdòm

Dodowara nyim de mbòdòm ye fie mbowa a yetaa dze hòn gyegye hen enyi. Mbòdòm gu mu ahorow na wòda su ahorow so edzi. Bi ye atsentsen akese, bi so ye ntsiantsiaba pitsipiriww, bi ho ye futufutu, akòkò, etuntum, fufuw, ntaataamu na adze. Wòye mbowa a hòn anan ye anan a hòn ase fi haban mu mbowa abòyafo mu. Abakòsem kyere de, òbòmbòfo bi na òdze abowa òbòyafo bi fi ahaye mu baa fie. Òkyeer fie no, abowa no befaa nyimpa no su ma ònye nyimpa betsenae. Wòwò atsenka wò nyimpa no su ho de òye òdò, òtan nye suro. Wòhwe iyi ho na hòn so wòda ho su edzi. Òda edzi pefee de mbòdòm to mfar ankasa. Hòn asowa kò ekyir na òye har so. Dza òma mbòdòm som bo kese nye de, nyimpa tum tsetse hòn ma wodzi dwuma ahorow pii. Mbòdòm a wòboa fie adzeye no tum mpo boa enyifurafo ma wònantsew na mbòdòm bi so tum kyekyer nyimpa no werè ber a nyimpa wò awerehow mu. Ònam mfar a mbòdòm tse ntsi, nyimpa dze hòn hwehwe adze a mfir mpo nnkotum aye, nkankaara ber a dan abu egu nyimpa bi do ma wòrohwehwe hòn anaa mpo ber a wòrohwehwe ndubòn wò obi ho anaa beebi. Iyi nyina ekyir no, wonnyin nnkyer. Wodzi mfe du dze kesi duenum ara. Ber a hòn ho hia ònam mboa a wòdze boa nyimpa ntsi no, mbòdòm piinara so wohu hòn de wòye ebusuafo a wòwò òdò.

Dwumadzi

1. Kyere dwuma a nkasafua a woetwitwa ase yi dzi wò nsentòw no biara mu. Fa wo nyiano toto wo nyenko nedze ho.
 - a. Esuafo no tuu kwan ndeda.
 - b. Memaa Takyiwa sika.
 - c. Kyerekyerenyi no kyerew kyerewpon fofor no do
 - d. Wofii hò kòr Oguaa.

MBOBODO HO NSEMBISA

1. Fa woara wo nkasafua kyerekyere dzin a osi dzin fofor tam ase. Ma ho mfatoho ebien na enye wo nyenko ndzi ho nkombɔ.
2. Wo kyerekyerɛnyi bɛma wo akenkansɛm bi a mfomdo wɔ mu. Kenkan na kyere mfomdo a ɔwɔ mu no.
3. Enye wo nyenko ndzi nkombɔ mfa ɔyetsia pɔtsee na ɔgyefo ho. Fa toto kasa fofor bi mu dze a inyim ho.
4. Kyere dzin enum a wodzi dwuma de dzin asemfua-tsir. Fa wo mbuae no to gua ma afofor nkasa mfa ho.
5. Enye wo nyenko nkyerew nsentɔw du a wokitsa ɔyefo dzinhyɛananmu na kyere de wɔnye nyee no bɔ mu ye kasafua kor anaa wɔmmbɔ mu. Fa toto kasa fofor mu dze ho na enye afofor mpensampensa mu.

EXTENDED READING

1. Fromkin, V. & Rodman, R. & Hyams, N. (2007) Introduction to Language. (Eighth edition) Thomson Wadsworth.
2. Click on the link below for a video on noun functions in English grammar.
3. [Noun Functions in English Grammar with Examples](#)

ADZESUA NO MU NSEM

Hom edzi kan esua adze afa dzin-tamsi ho. Hom ntsena ekuwekuw. Hom nkyere dzin -tamsi a hom dze bema dza oka do yi na hom mfa dzin-tamsi no nka ho nye nsentow.

- a. Skuuldan mu
- b. Nyenko
- c. Skuul ne paado
- d. Ebusuafo

Dzin-tamsi ye kasafua a yedze kyerekyere dzin mu. Wotum so dze kyerekyere ankorankor bi anaa nyimpa dodow bi hon su. Wotum so dze ye ntotoho. Mfatoho;

- a. Kodwo pe adan **adadaw**.
- b. Oye **tsentsen tseatseaba**.
- c. Esi no ho ye **har sen** no nuabanyin no.

Asentow (a) mu no kasafua **dadaw** kyere mbre dan no tse. Asentow (b) mu no, nkasafua **tsentsen** na **tseatseaba** kyere mbre nyimpa no, no bobew tse. Asentow (c) mu no, kasafua **har sen** dze Esi n'ahochar toto no nuabanyan no nedze ho.

Dzin-tamsi no dwumadzi

Mbra a wodze kyerekw nsentow a dzin-tamsi wo mu nnye per wo Ghana kasahorow no nyinara mu.

1. Dzin-tamsi dzi dwuma de okyerekyere dzin bi mu anaa osi no tam wo nsentow mu. Mfatoho;
 - a. Ponko **tuntum** no guan sen mponko nkaa no.
 - b. Muhun dan **kese** bi.
2. Dzin-tamsi taa dzi dzin no ekyir pee. Mfatoho;
 - a. Fie **tuntum** no ebu.
 - b. Maame **kese** no ko fie.

Hom sanee suaa dzin-tamsi ahorow so wo dza hom esua no dada no mu. Bi na oka do yi.

Oyikyere dzin-tamsi nsentow

- a. Kaar yi ye fofor.

- b. Fie **no** ye me papa nedze.

Ntotoho dzin-tamsi nsentɔw

- a. Iyi ye edziban a no bo ye **mberew sen** kor no.
- b. Wo sika no **suar sen** medze no.

Nkanee dzin-tamsi nsentɔw

- a. Motɔɔ emo **bi**.
- b. Mbuukuu **pɪi** wɔ m'adakaa no mu.

Su anaa tsebea dzin-tamsi.

- a. Kaar no aye **dadaw**.
- b. Edziban no ye **akɔndɔ**.

Dwumadzi 1

Hwe dzin-tamsi nkasafua a ɔwɔ ase ha yi na fa ye nsentɔw tsiaba. hom botum so dze aye nsentɔw mbɔho na adze.

- a. Nwanwa
- b. Tsetseber do
- c. Papa
- d. Dzen
- e. Tutuitu
- f. Skuul
- g. War sen
- h. yinom

Dwumadzi 2

1. Ma dzin-tamsi nkasafua ahorow du (10)
2. Fa dzin-tamsi nkasafua no mu enum kyerew dem nsentɔw ahorow yi.
 - a. Asentɔw tsiaba
 - b. Asentɔw mbɔho (dza afa ebien nyina ye asempruw-tsir)
 - c. Asentɔw a fa ye asempruw-tsir na fa so ye asempruw mfemfamho.
3. Gyina nsentɔw a akyerew wɔ (2) no do na enye wo nyenko ndzi nkɔmbɔ mfa mbra a ɔwɔ mbre wosi dze dzin-tamsi dzi dwuma ho.

MBOBODO HO NSEMBISA

Kenkan akenkansem a aka do yi na hwehwe dzin tamsi enum wo mu.

1. Nkorofu dodowara na afei dze woruhu mbre hen ndzeyee gyangyan reseɛ hen atsenae feefew yi. Owɔ de yema hen enyi kɔ mbre yebesi abɔ hen atsenae ho ban ho. Nyimpa kumaa bi na wɔwɔ nyimdzee fa mbre yesi bɔ hen atsenae ho ban ho. “Ommfa mo ho, ommfa mo ho” suban a yewɔ no ka ho papaapa ma hen atsenae reseɛ yi. Mfatoho bi nye wura a yetotow gu basabasa, nsufi a yetotow gu borɔn do efuraado, gya a yegya hen nan gu mbeambea basabasa na adze. Se yeannhwe enntwa dem abrabɔ yi do a, dem suban bɔn yi ho nsunsuando bɔn bɔkɔ nkyiramba do. Dem ntsi, oye emi na owo hen asedze de yebeye hen afamu dze, dze agye hen atsenae efi osɛɛ mu. Oye hen asodzii kese de yebɔhwe kan etu anamon a obobɔ hen asaase pa a Nyame dze ama hen no ho ban. Hen suban bɔn no nsunsuando bi nye nsuyirii a osisi, ndɔbaa a onntum mmba, nyarbanyarba a ɔretseetsee hen na adze.
2. Fa dzin-tamsi enum a inyae no mu biara ye asentɔw kor.

EXTENDED READING

1. Adomako, K., Odoom, J. and Sackitey, M. (2023). *Akan kasa nhyehyɛɛ wɔ Asante Twi mu*. Adonai Publications Limited (Topic on verbs, nouns and adjectives)
2. Amegashie, S.K. (2004). *Evegbe ɛɔɛlɔ*. Aflao: Victus Printing Services, Market Square
3. Fromkin, V. & Rodman, R. & Hyams, N. (2007). *Introduction to Language* (Eighth edition). Thomson Wadsworth. (topic on verbs, adverbs, nouns and adjectives)
4. Joshi, M. (2021). *Nouns in the English Language: Types and examples*. Manik Joshi. (Topic on nouns)
5. Thakur, D. (1998). *Linguistics simplified: Syntax*. Delhi: Bharati Bhawan. (open word class which are nouns adjectives, verbs and adverbs)

ADZESUA NO MU NSEM

Se yerekyerew nsentow a nyee anaa nyee-tamsi wo mu wo Ghana kasa horow no mu a, mbra bi wo ho a owow de yedzi do. Mbra no boa ma yetum kyere ma ntsease ba mu. Iyi na oma akenkanfo tum nya asem a okyerewfo no dze to gua no pereper. Se edze mbra no dzi dwuma a, oma ntsease ba w'akyere mu.

Nyee

Ansaana yebohwe mbra no, hom mma yenhwe nyee n'adzeban mfa nkaakaa henho. Hwe nsentow a owow ase ha yi. Nkasafua a woetwitwa ase no nyina ye nyee.

1. Okuafo no **dow** haban edwumayeber biara.
2. Mbofra no **nantsew ko** skuul Fida biara.
3. Yehuruhuruw anapa biara dze **tsentsen** hen apow mu.

Nyee ye kasafua anaa asemfua a oda ndzeyee bi edzi anaa okyere dza osi anaa tsebea bi. Nyee nye kasafua tsitsir a owow asentow ne fa a wofre no nkasaho no mu.

Mbra a owow nyee ho wo nsentow mu

Mbra a wodze kyere nsentow a nyee wo mu nnye per wo Ghana kasahorow no nyinara mu. Mfatoho bi na owow ase ha yi.

1. Nyee kyere dwumadzi a oyefo no dzi wo asentow mu.
 - a. Bodom no **puow** aber biara.
Nyee kasafua **puow** kyere dwuma a oyefo **bodom** dzi.
 - b. Abofra no **kyia** fewdo aber biara.
Nyee kasafua **kyia** kyere dwuma a oyefo **abofra** dzi.
2. Nyee kyere tsebea a oyefo no wo mu. Mfatoho:
Maame no **bomee** ber a otsee awerhosem no.
Nyee kasafua **bomee** kyere tsebea a oyefo **maame** wo mu.
3. Nyee dzi dwuma de kasafua tsitsir a owow nkasaho no mu anaade nkasaho no ne tsir. Mfatoho:
 - a. Kaar no **guan** de biribi.
Nyee kasafua **guan** ye kasafua tsitsir a owow nkasaho no mu. Nna tsera, nkasaho no ne tsir nye no.
 - b. Anoma no **tu** faa.

Nyee kasafua **tu** ye kasafua tsitsir a ɔwɔ nkasaho no mu. Nna tserɛ, nkasaho no ne tsir nye no.

Hye no nsew de Mfantse mu no, yekyerew ɔyefo dzinhyɛananmu na nyee no bo mu gyede **Hom** nko na yetsew fi nyee no ho.

Dwumadzi 1

Fa woara wo nkasafua kyerekyerɛ nyee mu na ma ho mfatoho du.

Dwumadzi 2

Fa nyee nkasafua a inyaa no wɔ dwumadzi 1 ho no ye nsentɔw ahorow a ɔka do yi mu biara enum, enum.

- a. Asentɔw tsiaba
- b. Asentɔw mbɔho
- c. Asentɔw a fa ye asempruw-tsir na fa so ye asempruw mfemfamho.

Dwumadzi 3

Fa nyee nkasafua a ɔka do yi mu biara ye asentɔw. Ibotum ama nsentɔw ahorow no nyinara bi aba mu.

ka mu, soa, dɔ, hua, ye, purow, sua, pow, hom,

Afei nye wo nyenko mpensampensa nyee ho mbra a edze dzii dwuma no mu, nhwe de ɔnye dza hom esua dada no kɔ a. fa wo mbuae to gua.

Dwumadzi 4

- a. Kyerekyerɛ nyee ahorow a esua no mu.
- b. Ma nyee ahorow no mu biara ho mfatoho. Fa biara mu mfatoho kor ye asentɔw.

Hom ntsena ekuwekuw na hom nkyerekyerɛ mbra a ɔwɔ nyee ho wɔ nsentɔw mu no mu. Mfatoho:

- a. Ber a dzinhyɛananmu bi ye ɔyefo wɔ asentɔw mu.
- b. Ber a dzinhyɛananmu **hom** dzi dwuma de ɔyefo.

Nyɛe-tamsi

Yɛahwɛ mbra a ɔwɔ nyɛe ho wɔ nsentɔw mu. Hom mma yɛnhwɛ mbra a ɔwɔ nyɛe-tamsi ho wɔ nsentɔw mu so. Ana ekaa nyɛe-tamsi n’adzeban a? Nyɛe-tamsi yɛ kasafua anaa asemfua a ɔkyerɛkyerɛ nyɛe anaa nyɛe-tamsi fofor bi mu. Bi kyere bea, ber, anoɔɔzen, nyɛbea na adze.

1. Wɔbaa **ha**. (bea)
2. Yedur ho **ndɔnsuon**. (ber)
3. Aberwa no nantsew **berɛww**. (nyɛbea)

Nyɛe-tamsi a ɔwɔ mu no nyɛ **ha**, **ndɔnsuon** na **berɛww**.

Mbra a ɔwɔ nyɛe-tamsi ho wɔ nsentɔw mu

Mbra a wɔdze kyere nsentɔw a nyɛe tamsi wɔ mu nnye per wɔ Ghana kasahorow no nyinara mu. Mfatoho bi na ɔwɔ ase ha yi.

1. Nyɛe-tamsi tum dzi dwuma de nyɛe-tamsi asemfua-tsir.

Mfatoho:

- a. Aberwa no nantsew **berɛww**.
- b. Wɔbaa **anapatutuitu**.

Nkasafua **berɛww** na **anapatutuitu** mu biara yɛ nyɛe tamsi asemfua na wɔsan so yɛ nsemfua tsir no.

2. Nyɛe-tamsi tum kyerekyere nyɛe-tamsi fofor mu.
 - a. Wɔkasa **koraa dodow**.
 - b. Onyim akenkan **yie papaapa**.

Nkasafua ebien, ebien **koraa dodow** na **yie papaapa** biara mu no, nyɛe-tamsi a odzi kan no kyerekyere dza ɔto do ebien no mu.

Dwumadzi 1

- a. Hom ntsena ekuwekuw na hom nkyere nyɛe-tamsi ase. Kuw biara nyɛ afofor nkyɛ hɔn mbuae.
- b. Ma nyɛe-tamsi mfatoho du.

Dwumadzi 2

Fa nyee nkasafua a inyaa no wo dwumadzi (a) ho no ye nsentow ahorow a oka do yi mu biara enum, enum.

- a. Asentow tsiaba
- b. Asentow mboho
- c. Asentow a fa ye asempruw-tsir na fa so ye asempruw mfemfamho.

Dwumadzi 3

Fa nyee-tamsi nkasafua a oka do yi mu biara ye asentow enum, enum wo nsentow ahorow no mu.

- a. Hamu
- b. mpoano
- c. gidzigidzi
- d. bokoo
- e. mfeda
- f. okyena
- g. ohardo
- h. ntaataado

Afei nye wo nyenko mpensampensa nyee-tamsi ho mbra a edze dzii dwuma no mu nhwe de onye dza hom esua no dada no ko a. Fa wo mbuae to gua.

MOBODO HO NSEMBISA

1. Kenkan akenkansem a oka do yi na kyere **nyee** na **nyee-tamsi** a owo mu no nyinara.

Wowiee hon edwuma no ohardo na wode ntoboase hwee mu yee nsiesie. Wohun de edwuma no edzi mu yie ankasa ntsi wode hon edwuma no kamaa hon kyerekyeranyi no akokodur mu. Kyerekyeranyi no buee n'enyiwa hwee mu yie na oboo ne tsir nko dze gyee edwuma no too mu de woyee no yie ankasa. Esuafo no enyi gyee dodow de woyee edwuma no de mbre ofata.

2. Gyina nyee na nyee-tamsi ho mbra ahorow no do na fa nyee na nyee-tamsi a inyaa no (1) ho no ye nsentow enum.

EXTENDED READING

1. Owu-Ewie C. (2020). *Mfantse kasa ngyegyee na kasa mbra ho adzesua buukuu ma nsowdo skuul esuafo*. Shine Prints Company Limited.
2. Ago, S.A. (1992). *Agoo*. Ghana Publishing Company.
3. Amartey A.A. (1966). *Omanye aba*. Bureau of Ghana Languages.

REFERENCES

1. Haspelmath, M. (2001). Word classes and parts of speech. *In International Encyclopedia of the Social and Behavioral Sciences* (pp16538-16545). Doi:10.1016/Bo-08-043076-7/02959-4
2. Lier, E. V. (2024). *The Oxford handbook of word classes (oxford handbook)*. Oxford University Press.
3. Miguel, J., M. G. (2015). *Transitivity and word classes*. <https://doi.org/10.1075/ivitra.9.13gar>
4. Prempeh, A. A. (2021). *Asante Twi Nyansapɔ*. Premesco Publications.
5. Simone, R. & Masini, F. (eds). (2014). *Word classes (Current issues in linguistic theory)*. John Benjamins Publishing Company.

ACKNOWLEDGEMENTS



Ghana Education Service (GES)

